

## 2 Yohana Yohana ya sεmε shuun wo wemu ka ge

*Jagɔ mu we sεmε we d'a tun wε?*

«Cee wemu jaha k'a bulo ge, wee ni wu nagoo»  
na tudunmɔɔ Yohana ya we sεmε we jaha tii. Lee  
kɔri jε Egilizi wa ni wu n'a daa fεε.

*We sεmε we kakana juyɔ*

Yohana ya Egilizi wu luu waha na pu kori yaha  
can wu ni, pu da jaari taanjεεge ni, pu da puyε  
kaseri karamɔgɔ-kafinejuu pu na.

*Sεmε wu kafila jugbɔyɔ*

**2 Yohana 1-3** Yohana fɔ mujuu.

**2 Yohana 4-6** Na jaari can ni taanjεεge ni.

**2 Yohana 7-11** Yohana ya pu kaala ni karamɔgɔ-  
kafinejuu pu kaa ni.

**2 Yohana 12-13** Jomɔ pu taxɔgɔ.

*Yohana fɔ mujuu*

<sup>1</sup> Nε wemu wu jε egilizi nɔhɔle ge, nε wa we sεmε  
we ka. Na ceboroshɔ wemu jaha Kile ya bulo ge,  
wee ni wu nagoo mu n'a wu tunni. Yee kaa ya dan  
nε ni can can na. Ga nε yε bε wε, sipyii piimu bεeri  
pu jε Kile wo can wu na ge, yee kaa ya dan pee  
bεeri ni.

<sup>2</sup> Yee kaa ya dan wèe ni, bani Kile wo can wu wa  
wèe funyɔ ni, wee di wa da gori yaha bε gbee wù  
funyɔ ni.

<sup>3</sup> Ayiwa, To Kile ni wu Ja Yesu Kirisa wu niime, ni saama, ni japiɲe kan wù mu, kònho wù gori yaha wu can we, ni wu taanɲeege ki ni.

*Na jaari can ni taanɲeege ni*

<sup>4</sup> Ne mu nagoo pii ja pee ya jaari can koo li ni, ba To Kile ya yi jo jogana lemu na we. Lee kunni ya ne funɲo taan xuuni.

<sup>5</sup> Lee be na na ceboroshò, n'a da jomεεfonò jo ma mu we. Ga jomεε le n'a da jo ma mu ge, lee je Kile ya jomεε lemu kan wù mu fo taashiine li ni ge, na wù taan ni wùye ni.

<sup>6</sup> Nómehεε kiimu Kile ya jo ge, wù ba kee koro jaari, lee li je taanɲeege ke. Lee jomεε le l'a jo yee mu fo taashiine li ni, na y'a taanɲeege koro jaari.

<sup>7</sup> Sipyii piinɲεvεε niɲehεmεε pu wa koɲò ke na nime, pu wa kabaya ye beeri na. Pee ya ta sò li na na Yesu Kirisa ya pye sipya, na ba se ke koɲò ke na we. Pee sipyii pii pu je sipyii piinɲεvεε pee, ni Kirisa wo pεen pee.

<sup>8</sup> Lee wuu na y'a yiye kaseri, kònho yi ganha bu buun yi labye wu kuduun ni we, ga y'i wu kuduun wu beeri ta.

<sup>9</sup> Yi li ce na sipya beeri wu je wu ya kori yaha Yesu Kirisa wo kalaa we na-ε ge, ga fo na wuyε pyaa jidaan fara wu na ge, weefò je Kile wo kariɲeege ki ni bada we. Ga sipya wemu bu gori yaha Yesu Kirisa wo kalaa wu na, weefò na bye kariɲeege ni ni To Kile, ni wu Ja wu be ni.

<sup>10</sup> Sipya beeri w'a pa yi mu ni kalaa watii ni wemu je Yesu Kirisa wo kalaa we-e ge, yi ganha bu da weefò yaha wu jé yi puga we. Yi ganha bu da ali fò be seεge taan wufò na we.

11 Bani mu wemu bu fò be sɛɛɛ taan wu na, l'a pye kanna mu w'a wɔ ni wu ni wu kapyegɛ niguunɔɔ ki na.

*Jomɔ pu taxɔgɔ*

12 Keree niɲɛhɛɲɛɛ wa nɛ mu na jo yee mu, ga na funɲɔ wa di kee beɛri pye sɛmɛ di dun yi mu wɛ. N'a giin di she yi yiri wù she baari wùye ɲii na, kɔnhɔ wù fundanga ki ɲɔ di fa.

13 Ayiwa, Kile ya ma ceboroshɔ wemu be ɲaha bulo naha ge, wee be wo nagoo ya ma shaari.

**KARINĒĒGE NŌMĒE NIVONŌ**  
**New Testament and Shorter Old Testament in**  
**Senoufo, Mamara**

copyright © 2014 Wycliffe Bible Translators, Inc.

Language: Mamara Sėnoufo (Sėnoufo, Mamara)

Translation by: Wycliffe Bible Translators

Contributor: Wycliffe Bible Translators, Inc.

© 2014-08-10, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

---

PDF generated using Haiola and XeLaTeX on 18 Apr 2025 from source files dated 29 Jan 2022

85728ed7-78f8-58e8-8967-0e976c0c2423